



# ÅRSMELDING NATURVERNFORBUNDET I KINN 2025

*Naturvernforbundet vart grunnlagd i 1914 og er Noregs eldste natur- og miljøvernorganisasjon. Vi er ein demokratisk medlemsorganisasjon med 43 000 medlemmer og 100 fylkeslag og lokallag i heile landet.*

*Naturvernforbundet i Kinn har gjennom fleire år vore ei aktiv og tydeleg stemme i arbeidet med naturvern, berekraftig samfunnsutvikling og openheit i lokal forvaltning. Som del av den breie, landsdekkande miljøorganisasjonen Naturvernforbundet, er vi tufta på kunnskap, frivillig innsats og eit sterkt engasjement for å sikre framtidige generasjonar tilgang til verdifulle naturressursar, naturmangfald og levande lokalsamfunn.*

## **1. Prosjekt biokol og framandart**

For nokre år tilbake kjøpte Kinn kommune, med støtte fra Miljødirektoratet, eit stort parti biokol med 10 sekkar på 1550 liter frå Opplandske bioenergi (Obio.no). Tanken var at bønder og andre i kommunen skal få prøve dette ut gratis som fortilskot og ellers til bruk i jord og hagebruk. NNV i Kinn har vore med i samarbeidet kring dette tiltaket.

Det har av ulike grunnar vore krevjande å få omsetning på kolet. I sommar vart det levert ut ein sekk til ein bonde i Nordalsfjord og ein til ein bonde i Steinhovden. Det er også brukt noko kol i samband med treplantingsprosjekt med Flora Træplantingsselskap og konfirmant-eik til konfirmantar i Human-Etisk Forbund og Den Norske Kyrkje. Noko er brukt til oppdyrking av kommunen sin eigedom på Nygård.

På hausten heldt styremedlem Bjarne Berge eit innlegg for hageselskapet om biokol i samband med at Anders Nordrum frå [Datsja.no](https://datsja.no) som heldt forelesning om beredskapshagen. Mange i hageselskapet viste stor interesse og det vart delt ut ein del biokol. Vi har avtale om å organisere utdeling av større mengder til hagefolket våren 2026.

Biokolomnen til kommunen som står i Brandsøy er lite brukt. Det vil vere ein fordel å samarbeide med andre organisasjonar for å auke bruken. Her trengs det ressursar til organisering og gjennomføring.

## **2. Plastryddeprosjekt**

Vi har samarbeidd med Naturvernforbundet i Sogn og Fjordane (NNV i SF) om plastryddeaksjonen Rydd Florelandet, der skulane i søre Kinn kommune (barne- og ungdomsskular og vidaregåande skule) var ute og rydda ein dag i mai-juni. Prosjektleiari tilsett ved NNV i SF, hadde hovedansvaret for administrasjon og gjennomføring.

Vi har hatt to digitale møter med NNV i SF, to arbeidsmøter med prosjektleiari for ryddeaksjonen og Fjordane Friluftsråd, samt jamleg dialog fram mot og under



ryddeaksjonen. Representant frå NNV i Kinn deltok også på delar av ryddeaksjonen i Brandsøy.

Skuleklassane fekk midlar til klassekassa si for å delta på ryddeaksjonen. NNV i Kinn bidro økonomisk med midlar til transport.

### **3. Klesbyttedag oktober**

Det vart ikkje gjennomført klesbyttedag i 2025.

### **4. Verving av medlemmer**

Det har ikkje vore gjennomført noko aktiv medlemsrekruttering i 2025.

### **5. Kompetanseheving og arrangement**

Det har vore lite aktivitet innan kompetanseheving og arrangement, då andre arbeidsoppgåver har vore prioriterte.

### **6. Støy i havet**

Deltok i WOPAM day (World Ocean Passive Acoustic Monitoring) i samarbeid med Cornell University. I denne samanhengen vart det gjennomført lydopptak i fjordane rundt Florø. Desse vart sendt inn til dette store forskningsprosjektet.

### **7. Miljøpolitisk arbeid, media og relaterte aktivitetar**

Styret har arbeidd med ulike saker etter innspel frå innbyggjarar, medlemmer og organisasjonar, mellom anna:

- Deltok på Kinn kommune sitt folkemøte om framtidig areal- og naturressursbruk på Florelandet nord, januar 2025:  
<https://kinn.kommune.no/aktuelt/vi-inviterer-til-folkemote-framtidas-areal-og-naturressursbruk-rundt-florelandet-nord.15587.aspx>
- Sendt bekymringsmelding til Kinn kommune om ulovleg deponi av forureina massar på Bjørnseth.
- Sent førespurnad til Kinn kommune kring bekymring for hogst av skog som er kategorisert som verdifull og som ligg i LNF- område ved Storevatnet.
- Undersøkt innmeldte bekymringar knytt til utslepp av forureina vatn i samband med cruiseanløp i Måløy.
- Utarbeidd og sendt inn høyringsinnspel til samfunnsdelen av kommuneplanen og planstrategien (2. gongs høyring, innsendt 15.09.2025).
- Omtale i Firdaposten (21.09.2025) om næringspolitisk dokument, der NNV i Kinn uttrykte bekymring for asymmetri i arealsaker, med aukande innverknad for utbyggjarar og redusert påverknad for innbyggjarar og



sivilsamfunn.e (ref. Vestlandsforskning sin rapport som konkluderer med dette:

<https://www.forskning.no/klima-miljopolitikk-natur/mindre-makt-til-innbyggjarane-bit-for-bit-tapar-natur-og-klima-for-okonomi/2474909>) Lenke til

saka i Firdaposten:

<https://www.firdaposten.no/naturvernforbundet-kvifor-bruke-pengar-pa-konsulentar-nar-ein-ikkje-hoyrer-pa-kva-dei-seier/s/5-16-934585>

- Markering saman med Florø Bulystforeining (16.10.25) utanfor porten til Gunhildvågen for å synleggjere motstand mot utbygging av Måsholmen. Dette i samband Måsholmen Utvikling som hadde invitert eit utval politikarar til eit lukka møte for å presentere sine nye planar:  
<https://www.firdaposten.no/vil-ha-omkamp-om-masholmen-inviterer-politikarar-til-lukka-mote-i-kveld/s/5-16-940497>
- Støtta Florø Bulystforeining sitt initiativ om Florelandetgrensa og deltok på markering (09.10.25) og overlevering av initiativet til ordføraren:  
<https://www.firdaposten.no/dei-krev-at-floro-far-si-eiga-markagrense-bruk-det-vi-har-for-vi-ofrar-meir-natur/s/5-16-938816>

## 8. Møteaktivitet

Gjennom året har leiar og styremedlem hatt jamnlege møter og dialog med dei ulike organisasjonane Naturvernforbundet i Sogn og Fjordane, Fjordane Friluftsråd, Florø Bulystforeining og Forum for Natur og friluftsliv i samband med dei ulike aktivitetane planlagd og gjennomført i 2025. NNV i Kinn saman med Florø Bulystforeining har også hatt eit møte med Kinn kommune i samband med kommuneplanen sin samfunnsdel og arealdel.

## 9. Miljøagentane

Naturvernforbundet sentralt har vore i Florø og bistått i etableringa av lokallag for Miljøagentane. Etter stiftingsmøte har Miljøagentane gjennomført to aktivitetsskveldar og eit fysisk styremøte. Ellers har dei vaksne i styret hatt jamnleg dialog og planlegging på Messenger. På den første samlinga om hausten samla vi eikenøtter ved Krokane gard. I samarbeid med kommunen låner vi det såkalla Gjeldsvikhuset som "klubbhus" og planteverksted. Huset ligg mellom gravplassen og Kurs KF/Idrettshallen. Det har vore god stemning på samlingane, og det ligg mange idear og planar for aktivitet framover.

## 10. Organisatorisk

Årsmøtet i 2025 vart halde på Flora Idrettssenter, tysdag 27. mars 2025. Det ordinære årsmøtet vart gjennomført med handsaming av mellom anna årsmelding, rekneskap og val. Det var sju medlemmer til stades på årsmøtet, alle stemmeberettiga.

Styret har halde 2 digitale møte i 2025 for avklaring kring administrative saker ein jobba med. I tillegg har styret hatt jamleg dialog kring aktuelle saker gjennom heile året, via Messenger, per telefon og e- post.



Styreleiaren var på val i 2025. Då det ikkje kom inn forslag til kandidat, og det ikkje lukkast å finne ny styreleiar, har den sitjande styreleiaren halde fram i vervet fram til neste ordinære årsmøte.

***Styret har bestått av:***

|                       |                                             |
|-----------------------|---------------------------------------------|
| Leiar:                | Siri L. Stavang (på val, tek ikkje attval)  |
| Styremedlem:          | Kjersti Grinde (ikkje på val, 1 år att)     |
| Styremedlem:          | Lasse H. Pedersen (på val)                  |
| Styremedlem/kasserer: | Bjarne M. Berge (ikkje på val, 1 år att)    |
| Varamedlem:           | Audhild Teigen (på val)                     |
| Valnemd:              | Jon Anders Stavang (ikkje på val, 1 år att) |
| Valnemnd:             | Bjarne M. Berge (ikkje på val, 1 år att)    |

**Medlemmer**

Naturvernforbundet i Kinn hadde per 31.12.2025 totalt 145 medlemmer (ein auke på 6 medlemmer i forhold til medlemstal frå 31.12.2024)

**11. Økonomi**

Den 31.12.2025 var egenkapitalen på kroner 88 358,04.